

V d
1110



h.



n. 42, 42.



Diploma
Electionis
SERENISSIMI
ELECTORIS
SAXONIAE
In
POLONIAE REGEM.

1699.



Diploma
Electoris
Serenissimi
Electoris
Saxoniae
Pictoriae Regem



Clarissimo VIRO
DOMINO
PETRO WOYDÆ,
Sacrae Regiæ Majestatis Polonicæ
Secretario,

Affini suo, Fratris instar Conjunctissimo.

SIMON JOHANNES ARNOLD,
Polonus.

Salutem temporariam & æternam!



Icuti rem mihi pergratam
fecisti, transmittens apographum Diplo-
matis regii, ita gratiam apud alios me
posse mereri confido, si typis impressum
publicæ luci exposuero. Erunt fortassis
Lectores, illud cupide arripientes, vel non
omnino aspernantes; forte & similes de-
cerpentibus flores, quos postquam nares
fatiaverunt odoratu, abjiciunt atque pro-
culcant: fortean quoque medicinam facientibus haud dispa-
res, qui flores decerptos non momentaneo vel diurno parant
usui, verum seponunt, exsiccant & multis servant temporibus.
Solet

Solet hæc varia rerum ut & librorum fors esse; perque me licet, his quoque chartis contingat. Sufficit quod publicam earum editionem debere me intelligo, Seldeno, Patriæ, Tibi. Illi tanquam supplementum ad plurima Dignitatum instrumenta, quæ in duobus libris de Honorum Titulis coacervavit, & quibus Summæ i.e. Regiæ Majestatis collatæ formula videtur deesse, ad pauca illa de Cæsaribus creatis ex historicorum voluminibus, non Archivorum Scriniis, vel Secretariorum Codicillis deprompta. Patriæ, cui ornandæ studere decet non solum incolas, prout Tu facis, sed etiam excedentes, qualis ego sum, Divina Providentia huc evocatus. Tibi, ut tesseram gratitudinis, pro insigni opera, quam impendisti acquirendis transmittendisque aliis Dignitatum Polonicarum Codicillis, quos, excepto uno Indigenatus, per Dominum Sturmium, nunc Sereniss. Electori Brandenburgico a Sanctioribus Consiliis (qui ne utiquam suæ in me benignitatis laude fraudandus est) impetrato; Tua suppeditante manu, dicto Seldeni Libro inserui. At, dices levem esse gratitudinis tesseram, imo nullam, quæ redonat accepta, vel remittit transmissa. Non abnuo: Sed peto ut fronte blanda suscipias, quod fronte demissa, posito supercilio, candidoq; affectu addico. Tua sunt, Tibi ergo debentur, mea esse nolo. Iniquus essem si detinerem, Justus eris si recipies, Benignus si devotam restituentis mentem agnosces. Nec dubito, quin agnosces devotam Tibi mentem & Patriæ, ideoq; Deo Supplicem, ut Rex Augustus sit revera Augustus, nomine Secundus, re minime: augeatque, nec unquam minui patiatur, Regni incolarumve Virtutes, Pietatem, Opes, Pacem, Beatitudines. Sic bene erit & Tibi, & Ecclesiæ Catholicæ (a qua non discesserunt Dissidentes, seu Protestantes, Romanam cum deseruerunt) & Vicinis, & mihi in Confinio viventi; videlicet Sonnenburgi, ubi hoc e Musæo dabam 15. Septembris, Anno 1699.

DIPLO.



DIPLOMA ELECTIONIS.

MICHAEL STEPHANUS,
CARDINALIS RADZIEIOWSKI,

Archiepiscopus Gnesnensis, Legatus Natus Regni Poloniae, &
M. D. L. Primas Primusque Princeps, Senatores, Officiales,
atque Inclytus Equestris Ordo Regni & Ma-
gni Ducatus Lithvaniae.

In Nomine Sanctissime ac Individuae Trinitatis.



Significamus praesentibus Literis Nostris quorum
interest Universis & Singulis. Quod cum attonitus
spectet Orbis Reges ac Dominos nostros non sorte na-
scendi nobis tradi, sed sola Virtute & gloria conspicua-
que rerum gestarum amplitudine fieri. Ita Serenis-
simus ac Potentissimus Princeps ac Dominus, Dominus JOHANNES
Tertius, cum Regni Gubernacula plus quam heroicis facinoribus
promeruisset, Nobis duos supra quatuor lustra annos, suaviter, fe-
liciter, iuste, ac gloriose regnavit. Ille, postquam ad Chocymum
saepiusve alibi ingentes Turcarum & Tartarorum Exercitus profligasset,
Caesaris Imperii Sedem servavit, idemque imperium maxima
ad Viennam & Parkanum Victoria firmavit atque fortunae Christiano-
rum insigni prudentia & heroico animo januas aperuit. Hic igitur
fortissimus Heros, Princeps optimus, Patriae Pater, Religionis Cly-
peus, Scytharum terror, Bonorum Spes & amor merito nuncupatus
cum a Throno hujus saeculi ad immortalitatis solium translatus esset,
ab omnipotenti Domino, in cujus manibus potestates sunt, cujus
dextera per illum fecit Virtutem, insperato atrocique fato nobis
ereptus extitit. Persolutis itaque piissimo Regi, clementissimo ac
Desideratissimo Domino, intimi amoris & debitae pietatis lachrymis,
cuncto Christiano orbe, in doloris nostri consortium accurrente, Nos
Regni Primas cum Senatoribus, Officialibus atque Ordine Equestri
Regni & M. D. L. animum in eam curam intendimus, ut afflictae ac
gemen-

gementis Reipublicæ orbitati consuleremus, eandemque ab imminentibus discriminibus, quibus exposita erat, Bello præsertim cum Christiani nominis hoste non cessante, Capite, Duce, ac Rectore destituti, vindicaremus. Quapropter prævisis his quæ de lege erant pro die decima quinta Mensis Maji Millesimo Sexcentesimo Nongesimo Septimo Anno, in Campum Electoralem inter Varfaviam & Villam Wola, ubi Regum Electio de Gentis nostræ more fieri consuevit, descendimus. Ibi non solum numerosissimus Senatus, sed Universæ Regni & M. D. Lit. Nobilitas, Patriarum Legum Jurium & libertatis servandæ genio stimolata, confluit. Sed cum externa studia Electoris populi animos, quia liberos, in varia distraxissent & Candidatorum regnandi ambitu concurrente, acris scissionis funestos exitus, paresque Aquilas & cognatas acies minarentur. Tandem divina Gratia, afflante Spiritu Sancti, qui aspera in vias planas deducit, interposita Sanctæ sedis Apostolicæ per Eminentissimum ac Reverendissimum Dominum Fabricium Pauluci, protunc Episcopum Ferrariensem & Nuntium suæ sanctitatis Extraordinarium, Paterna auctoritate; interveniente sublimi generosissimæ Gentis Antenatorum virtute, quæ boni publici studiosior, quam dissoni sensus sequax existat; Ventum est ad unanimum animorum harmoniam & eam qua Respublicæ crescunt exoptatam concordiam. Itaque Serenissimum Principem ac Dominum Dominum FRIDERICUM AUGUSTUM, Ducem Saxonæ, Juliæ, Cliviæ, Montium, Angriæ, & Vestphaliæ, Sacri Romani Imperii Archimareschalcum & Electorem, Landgravium Thuringiæ, Marchionem Misniæ, nec non superioris & inferioris Lusatiæ, Burgrabium Magdeburgicum, Comitem Principem Hennebergensem, & Barby, Dominum in Ravenstein &c. &c. non tam hominum industria, ast divinitus liberis cordibus inspiratum, supracæteros sceptro & Corona dignum judicavimus & in Regem nostrum elegimus & assumpsimus. Obligaverat jam pridem Polonorum animos, excelsa tanti principis Fama, & Sympatica vi civium devinxerat corda Martialis ille ejusdem ad sublimia natus ac enutritus genius, Heroica Indoles notaque Magnanimitas & fortitudo. Spectavimus antiquissimum generis splendorem, quod a Vithichindo Magno ultra novem sæcula in meliori Germaniæ parte supremo Jure dominatur. Summum Pontificem Gregorium Quintum, sex Cæsares, primum nempe & secundum Henricum, tres

tres successive Ottones & Lotharium Secundum & multos Europæ
Cognatos Reges, innumeros Duces & Electores, tam Saxoniam,
quam Marchiam, aliosque Heroes, quibus omnibus Augusta Domus
Saxonica ad Supremum Dignitatum fastigium evecta est. Scieba-
mus singulares præfati Serenissimi FRIDERICI AUGUSTI, Virtutes
a pueritia non in molli otio, ut plerisque nascendi sorte Dominis con-
tiguit, sed per omnes Militiæ gradus, ad meritum supremorum instru-
ctum, lustratas ab eodem omnes Europæ Provincias, ut ex aliorum
moribus, velut apes e florum varietate meliorem succum eliceret.
Nullam ejusdem ætate in Belgio aut Germania obsidionem aut pu-
gnam, a Cæsareis confœderatis factam, cui voluntarius Dux non in-
terfuerit. Quæ supremus Cæsaris Exercituum in Hungaria Præfe-
ctus gesserit, Transilvaniam qua celeritate cum triginta Equitum
millibus advolans de barbarorum manibus eripuerit, nemini non
innotescit. Hæc dum fuerunt militaris ejusdem Imperii tyrocinia,
& adolescentis FRIDERICI AUGUSTI experimenta, quæ ad prove-
cti Ducis gloriam satis superque sufficerent, tantisque animi dotibus
juncta vegeta ac florens Juventus, mirumque artuum robur, vultus
gravitas, atque Majestas, hæreditaria opulentia, quæ omnia ad
Regiam Dignitatem melius præstandam ac sustinendam contribu-
unt, animos nostros devinxerunt. Sed tunc vel maxime, cum certi
fuimus, Spiritum, qui ubi vult spirat, divino suo lumine, ab ejusdem
corde errorum tenebras excussisse; Ipsumque Catholico-Romanam
fidem, sine cujus professione, nemini ad Solium nostrum datur ac-
cessus, quam ab aliquot annis futuri nescius secrete profitebatur,
jam palam ac libere exercere. Tam sublimium meritorum quæ ad
perfectum Regem efformandum sufficiunt, habita a nobis confide-
ratio & Communis tranquillitatis desiderium scissam Rempublicam,
divisosque civium animos coadunarunt. Hinc nos Reipublicæ le-
gibus inhærendo, accedentibus unanimibus atque concordibus vo-
tis, pro Jure liberæ Electionis, quod Bonum Felix Faustumque sit,
ad DEI gloriam & Patriæ nostræ Decus, præfatum Serenissimum Do-
minum, Dominum FRIDERICUM AUGUSTUM Ducem Saxoniam,
Juliam, Cliviam, Montium, Angriam, & Vestphaliæ, Sacri Romani Im-
perii Archimareschalcum & Electorem, Landgravium Thuringiæ,
Marchionem Misniæ, nec non superioris & inferioris Lusatiæ, Bur-
grabium Magdeburgicum, Comitem Principem Hennebergensem,
& Bar-

70 1110 01
& Barby, Dominum in Ravenstein, &c. &c. in Regem Poloniae & Magnum Ducem Lithvaniae, Russiae, Prussiae, Masoviae, Samogitiae, Kijoviae, Volhyniae, Podoliae, Podlachiae, Livoniae, Smolensciae, Severiae, Czerniechoviaeque, Electum assumptum & Coronatum omni meliori modo & forma approbamus, confirmamus & declaramus. Et quadam grati animi memoria Regiam coronam, qua Otto III. Saxo Imperator, Anno millesimo primo, Boleslaum Chrobri Poloniae Principem redimivit, super Saxoniae Electoris Tempora, fortunato Poloniae Gentis & Catholicae Religionis omine reponimus. Et sicut Friedericum Tertium Marchionem Misniae, ob ademptam propriis viribus & Copiis Husfitarum furiis, Bohemiam, Sigismundus Caesar Anno 1425. Electorali diademate donavit. Sic illius Successor FRIDERICUS AUGUSTUS, ad Sanctae Ecclesiae Romanae obedientiam veniens, Poloniae Coronam gloriosissime obtinet. Cumque jam Serenissimus REX personali Juramento firmaverit, quod Leges nostras Immunitatesque Ecclesiasticas, & saeculares, per Divos Praedecessores nobis concessas, & donatas, aliaque Jura, tam publica, quam privata, nec non Pacta conventa integre servabit, & manu tenebit. Nos vice versa, sancte & bona fide promittimus, quod eidem Serenissimo FRIDERICO AUGUSTO REGI, sub Nomine Augusti Secundi eandem fidem, Reverentiam, Obedientiam, Subjectionem, & obsequia debita, justa & honesta, secundum Jura & Libertates Nostras, sicut Divis suae Majestatis, Praedecessoribus exhibuimus, semper praestabimus, & exhibebimus. Quod quidem decretum Electionis, in Regem assumptionis, Confirmationis & Coronationis, Deo adjuvante exequi cupientes, de communi Consilio & usu, Illustri & Magnifico Domino Casimiro Ludovvico Bielinski, Succamerario Regni, Cermensi, Mariaeburgensi, Tucholiensi, Osiecensi Capitaneo, Actus Electionis Mareschalco, committimus & potestatem damus, idem intimandi & ad notitiam Suae Majestatis deducendi, ac in ejusdem manus tradendi. Caeteraque quae hoc ipsum negotium requirit agendi & perficiendi. Datum Varaviae sub tempus Comitiorum Generalium die 16. Mensis Junii, Anno Domini 1699.

M. CARDINALIS RADZIEIOWSKI, Primas Regni & M. D. L. m. p. p.

Locus Sigilli pensilis.

CASIMIRUS BIELINSKI, Succamerarius Regni ordinis Equestris

Mareschalcus m. p. p.

Locus Sigilli pensilis.

æ &
tia,
eria,
liori
dam
ator,
redi-
entis
um,
Co-
1425-
CUS
iens,
nissi-
s Im-
fores
riva-
Nos
nisfi-
ecun-
& ob-
No-
fem-
ectio-
Deo
stri &
erario
apita-
m da-
ac in
m re-
mitio.

m.p.p.

uestris

s.

ULB Halle

3

004 809 025



V017





Solet hæc va
 cet, his quoc
 earum editio
 Illi tanquam
 menta, quæ
 & quibus Su
 tur deesse, ac
 voluminibus
 Codicillis de
 solum incola
 go sum, Div
 gratitudinis,
 transmittend
 quos, except
 Sereniss. Elec
 neuriquam f
 petrato; Tua
 At, dices leve
 donat accept
 ut fronte bla
 lio, candidoq
 mea esse nolo
 pies, Benignu
 dubito, quin a
 Deo Supplic
 ne Secundus,
 tur, Regni inc
 titudines. Si
 non disceffer
 cum deseruer
 delictet Sonne
 Anno 1699.

e; perque me li
 quod publicam
 no, Patriæ, Tibi.
 gnitatum instru
 lis coacervavit,
 e formula vide
 x historicorum
 Secretariorum
 idere decet non
 dentes, qualis e
 Tibi, ut tesseram
 isti acquirendis
 rum Codicillis,
 turmium, nunc
 us Consiliis (qui
 dandus est) im
 i Libro inserui.
 nullam, quæ re
 onuo: Sed peto
 , posito superci
 rgo debentur,
 stus eris si reci
 agnosces. Nec
 & Patriæ, ideoq;
 gustus, nomi
 m minui patia
 es, Pacem, Bea
 tholicæ (a qua
 es, Romanam
 io viventi; vi
 5. Septembris,

DIPLO.

